

Cracoviensis Studii Univ. Sagell.

Promotiones Ordinis Theologorum.

1742.

Staszewski Basilus.

Palicki Joannes

Polinski Martinus

Procki Mathias.

Poenya 3026.

Placinski Joann. Hieron. Non plus ultra coro-
nar theologicæ inscriptionum.



kat.komp.

3518

III.

Mag. St. Dr.

P

NON PLUS ULTRA
Coronæ Theologicæ
INSCRIPTUM,

& Dum

Sub Eximia Protectione.
CELSISSIMI PRINCIPIS,

Illustrissimi & Reverendissimi Domini,

D. CASIMIRI

à L V B N A

Ł V B I E N S K I,

DEI & Apostolicæ sedis gratiâ Episcopi
Cracoviensis, Ducis Severiæ, Almæ Uni-
versitatis Cracoviensis

Cancellarij Faventissimi.

SUB FELICISSIMIS verò AVSPICIIS

Magnifici, Perillustris & Reverendissimi Domini,

D. M. ANDREÆ
K R U P E C K I,

I. V. Doctoris & Professoris, Ecclesiæ Cathedralis
Cracoviensis Canonici, in Niegardow & Przemykow
Curati, Canonizationis B. IOANNIS CANTII
Procuratoris, Roszczeviani & Contubernij Phi-
losophorum Provisoris, Studij Generalis Cra-
coviensis Procancellarij, & RECTORIS
Vigilantissimi.

Sacer Theologorum Quaternio

Perillustri & Reverendissimo Dominus,

D. M. BASILIVS PLASZCZEWSKI,

S. Theologiae Licentiatus, Collega Major, Ecclesiae Cathedralis Cracoviensis Canonici, Collegiatae SS. Omnium Praepositus, Nasiechowiecensis Curatus, Contubernij Sismiani Provisor, Collegij Majoris Senior Pater.

Perillustri, Clarissimo & Admodum Reverendus Dominus,

D. M. IOANNES BALICKI,

S. Th: Licentiatus, Collega Major, Ecclesiarum Collegiatarum S. Floriani Custos, Siradiensis Cancellarius, Praepositus Prossowicensis, Paiecznensis & Pohiednicensis Curatus, Contubernij Staringeliani Provisor.

Perillustri Clarissimo & Admodum Reverendus Dominus,

D. M. MARTINVS OSLINSKI,

S. Theologiae Licentiatus, Collega Major, Ecclesiae Collegiatae S. Annae Cracoviae Decanus, Festorum Salvatoris Christi Domini & Beatissimae Virginis Mariae in Cathedrali Cracoviensi Concionator, Parochialis in Antiqua Korezyn Curatus, Collegij Vladislaviano-Novodvorsciani & Hierosolymitani Provisor.

Perillustri, Clarissimo & Admodum Reverendus Dominus,

D. M. MATTHIAS BROCKI,

S. Theologiae Licentiatus, Collega Major, Ecclesiarum Collegiatarum S. Floriani Decanus, Scholasticus Curelovienensis, Cancellarius Posnaniensis, Contubernij Gelaniani Provisor.

P E R

Perillustrem Clarissimum & Admodum Reverendum Dominum.

**D. M. ANDREAM AVGVSTINVM
CZYRZYCKOWICZ,**

Sacrae Theologiae Doctorem & Professore, ejusdem Facultatis Decanum, Ecclesiarum Collegiatarum S. Floriani Praepositum, Neosandecensis Primicerium &c.

Almae Universitatis Cracoviensis Seniore Patrem,

In Ecclesia Collegiata D. ANNÆ,

Sacrae Doctoratus Theologici Lauream

In frequentissimo Nobilissimorum Hospitum consessu

RITU SOLENNI INSGNIRETUR,

Clientali penna

M. FRANCISCI HIERONYMI PLUCINSKI,

Phil. Doctoris, in Collegio Novodvorsciano Dialecticae Professoris, Contubernij Sismiani Senioris.

Nomine Professorum Collegij Novodvorsciani

ILLUSTRISSIMAE ac NOBILISSIMAE JUVENTUTIS ACADEMICAe.

D E M O N S T R A T U M.

Anno Domini 1712. Die 14. Januarij.

NON PLUS ULTRA

Coronæ Theologicæ INSCRIPTVM.

Age calame,

ostende quid sit Sacra Theologia:
ostendes quid sit Doctor Theologus.

Si monstraveris nil esse altius, nil dignius

Sacrâ Theologiâ;

monstrabis nil esse altius, nil dignius,

Doctore Theologo.

Securè tunc inscribes Coronæ Theologicæ,

NON PLUS ULTRA.

Videat Orbis Theologiæ originem.

Pœsim Orpheum & Amphionem, Medicinâ Apollinem & Æsculapium,
Eloquentiam Mercurium & Tullium Authores habuisse ferunt.

Sacra Theologia

non fictitium sed Verum

Deum habet Inventorem,

Mathœsis cum Ptolomæo Cælorum & Syderum cursus investigat.

Physica cum Stagyrta de rebus Naturæ discurnit.

Geometria cum Archimede terrarum angulos metitur.

Sacra Theologia

Vel Deum ipsum, vel quæ à Deo promanârunt: vel quæ Deum dicunt,
& ad eum ducunt, contemplatur.

Aliæ scientiæ infirmis quia humanis suas Veritates probant
documentis, sæpe cum suis nocumentis;

S. Theologia firmis quia Divinis innititur Argumentis.

Regina Scientiarum est,

cui omnes famulantur.

Majora ediffere calame.

Regina Orbis totius est,

Hæc Ecclesiæ, Regnis, Regibus, Arcopagis præest.
Si jura dat, Populis Justinianus, dat ad mentem Theologiæ.
Si Concilia SS. Patrum aliquid conciliant,
conciliant ad mentem Theologiæ.
Si in Synodis, Tribunalibus quidquam constituitur,
constituitur ad mentem Theologiæ.

*Contra mentem Divinam agere videretur,
qui contra mentem Sacræ Theologiæ ageret.*
Illa Ancile Fidei, illa Conscientiarum lumen & Speculum,
illa Animarum Elixir, illa Orbis Christiani Sol aureus est.
Senescente Mundo & jam fatifcente
lingvæ cessabunt Scientiæ destruentur;

Sacra Theologia,
(attestante D. Chrysosthomo) non abolebitur in Patria,
sed desinet esse non perfectæ.

Contemplare & mirare Geni,
tantam celsitudinem S. Theologiæ.

Contemplare & mirare
tantam celsitudinem & Doctoris Theologi.
Coronæ illius intrepida manu inscribe

NON PLUS ULTRA.

Attigisti hoc Culmen honoris
Perillustis & Reverendissime Domine,

M. BASILI PLASZCZEWSKI

In hac Corona Theologica,
Cor unà Minervæ recepisti.

Ad tantum literati honoris fastigium,
non nefastus fastus, sed Virtus Sapiens,
& Sapientia Virtuosa te extulit.

Quid namq; BASILIVS?

Nisi Sapientiæ ^{8 2 5 3 4 7 1 6} SAL SI VBI?

Cracia Pallas,

Phæbea bina lauru cinxit te Phæbum,
ut pote magnum Scientiarum Amatorem & Armatorem.
Novoduoriscianæ Classes, non sensere infortunij casses
Te erudito Palinuro donatæ & dotatæ.
Arena illa literatia, aureum tunc proventum fundebat,
cùm tu in ea aureum Doctrinæ fundebas Pactolum.
Collegium Virtutum Scientiarumq;
Collegijs insertus es.
Minori primò mox Majori,
Minus quippe diu non potuit pati, meritis maximum.
Ivisti in altum quorumvis honorum,
Illis nobilissimis & gloriosissimis Antesignanis
KVCHARSCIIS, MAKOVIIIS, WOIEWODZCIIS,
Sacrae Theologiæ Doctoribus & Professoribus.
Maximi hi Animorum æstimatores,
Non tam Te, quàm tuas Virtutes æstimârunt, adamârunt:
Inops sermo tuus nunquam videbatur,
quot verbis tot Erythreis Vnionibus dives.
Isocrates, Hortensius revixisse credebantur,
Te utriusq; imaginem in utraq; Exedra referente.
Non sic Alcidam animosum, septiceps Hydra,
Vt tuum doctum Caput, Gorgonea difficultatum metuebant capita,
Nempe ea audacter metebas.
Gordij perplexitatum Philosophicarum nodi,
facilè enodabantur,
Te purpurato Macedone
eos in Stoa Peripatetica secante & necante.
Nec mirum
quod illi Lechici Achilles, Te suum voluerint habere Chironem.

Illustres & Magnifici Domini,

I A C O B U S

de Raciborsko,

M O R S Z T Y N,

Capitaneus Kowalienfis.

&
STANISLAVS DERSZNIAK

Capitaneus Radofzycensis.

Magna hæc Orbis Poloni lumina & columina,
in te fontem omnis eruditionis & sapientiæ viderunt, & petierunt

Philosophica Cathedrâ vix cessisti,

ad Theologicam processisti!

Arca Scientiarum, ad arcana DEI ivisti.

Moralem Theologiam legens, morum Sciencia legebaris.

De Sacramentis Novæ legis tractans,

& publicè disputans,

quid eras? nisi Virtutum nova lex.

His laborum, Virtutis & Sapientiæ gradibus

ad Laurum Theologicam properasti.

Sub hac majus mereri potes,

sed illâ majus prensare præmium non potes.

Quidquid meritorum sub Theologica ffronde acquires,
ea non Orbis Academicus, sed Orbes Cælorum stellati
sunt coronaturi.

In hoc honoris Apogæo Tibi posito,
maximum est decus, maxima Corona.

Frater tuus Vterinus.

Perillustis & Reverendissimus Dominus,

THOMAS CONSTANTINVS CZVLSKI,

I. V. Doct̃or, Ecclesiæ Cathedralis Chet-
mensis Archidiaconus & Officialis Generalis,
Præpositus in Pelczyska, &c. &c.

Oculus hic Diœcesis Chet̃mensis, Virtutū & Sapientiæ Canon,
quantū meriti & honoris in Domo Dei habet,
tantū in Te derivatur.

Non communis hæc est sors Vestra

quòd tu Castor cum Polluce

gemina non Ledæ, sed unius Matris sydera,

ita in Principibus Cathedris honore fulgeatis.

Tu trium Coronarum Peraugusti Vavelli Vnio es.

Ille Coronæ Sacri Chet̃mensis Senatus pretiosus est Adamas.

Evola penna si potes sine poena
in præconium, loco non meritis secundi
Perillustis Clarissimi & Admodum Reverendi Domini,
M. JOANNIS BALICKI,
Sacrae Theologiae Doctoris & Professoris.

Tres Gratias Paphiae Deae ingeniosa adstruxit Mithyologia,
in hoc Viro sine numero numerari Charites,
extra Vatum eruditorum commentum est.

Cui non carus es IOANNES?

qui cunctis ² ^{3 4} ^{1 5 6 7} O AN INES!

Invictus Alcides Iunonium lac hauriendo,
omnes hausit gratias;

Hic IOANNES

à Minerva Cracia literis lactatus, Doctorum Corymbis ornatus;
cui non gratus?

Invidebant sibi hunc Apollinem & ipsae Musae.

Posnanienses Novodvorscianis eum eripuerunt.

Novit Posna, quem non vitavit, sed ad se invitavit.

Nam in Ioanne Maronem, Tullium, Stagyritam,
Aquinatem cognovit.

In Classibus per omnes Scholas navigans,

hic aureo Scientiarum Vellere ditissimus Iason,

tandem sub Lubranscianam Pinum

cum Heroica scientifici animi sui Argo appulit.

Fatidica tunc erat Lubransciana Dodona

in qua de tuo ore

Vir eruditissime

Philosophica Oracula resonabant.

In Lathynio Cariae monte, celebris sua Endimion mente,
dulcia à Cynthia meruit oscula,

Te Phæbum Phæbe Wodzicciorum

suis Arcadibus Praeceptorem adscivit, dilexitque.

Fons es limpidissimus

Gange vel Pactolo potior;
Nam Pæstanas quoq; SZEMBECIORVM Rosas
dulcissimo eruditionis tuæ latice irrigasti.

Illustrissimus & Excellentissimus Dominus,

J O A N N E S

à Stupow

S Z E M B E K,

Supremus Regni Cancellarius.

Łomzynensis, Grudzynensis &c. Capitaneus.

Aurea labentis Patriæ basis,

Vt sciret hoc turbido rerum nostrarum statu,

Regnum Lechicum implicitis enotare

Arcana Philosophica petijt sibi & publicè & privatim à te enodari.

Nempe in I O A N N E

sive moris, sive oris petieris elegantiam,

ex utroq; Cæsar est.

Precor Orphetus dulci testudine Vnam Euridicen tantum
ab inferis abduxit;

hic o quot animas? svavi sacri sermonis Cytharâ
ab avaris & amaris Erebi faucibus avocavit.

In publica Disputantium Arena felicem Victoriâ
& victam ducis felicitatem

J O A N N E S.

Nam ubiq; tibi triumphale Io! an nes?

Quæ alijs abscondita, tibi sunt semper manifesta;

Adeo Lyncea mente difficillima quæq; penetras.

Cedere coguntur quævis obscuritatum nubes,

doctissimi Tui animi jubare accedente.

Hoc tu cacas errorum noctes fugas & repellis,

Si Aquinas, & Aristoteles, tales multos haberent interpretes,

non tot eruditæ in eorum Lycæis rixæ versarentur.

Huc

Huc huc adeste Parnassides,
Vestri Helicónis Corona laudum floribus est innectenda,
Liberalius hodie de Castalijs provide te fontibus,
MARTINVS Provisor Vester est celebrandus.

Doctas pulsate Cytharas Cythærides,
Apollo Vester Theologico cingitur diademate.

Perillustis, Clarissimus & Admodum Reverendus Dominus,

**M. MARTINUS
OSLINSKI,)**

Vir hic aureus educari debuit in Kenty,
Nihil enim pretiosum sub oculis sua cunabula ponit.

Metire calame si potes,
Poloniæ felicem amplitudinem, & amplam felicitatem,
vel ex hoc angulo,

qui Cælis Sanctos, terris eruditos Viros
necdum desinit educare & in publicum educere.

Commune aliquid habes cum Sanctis

Neo-Doctör Dignissime,

quia cōmunem habes cum eis educationis locum.

Divisum Tibi est cum Cantio munus,

Illius est pro Academia orare, Tuum Academiam ornare.

Præsulis & Militis nomine gaudes,

Vt Te MARTINVM Marti num? arti num?
sufficere posse demonstres.

Tibi debet Polonus Gradvus.

Illi in Gymnasio Tucholiensi,

in Archilycæo Novoduorſciano, in Athæneo Lubransciano,
bellaces animas & animosos bellatores, quos nunc colit,
tu excoluisti.

Ducales Clavas qui nunc regunt, à Te regebantur.

Qui nunc alijs præsunt, Tibi se quondam submisère.

Tibi potiori Argonautæ

Illustrissimus & Excellentissimus Dominus,
S T A N I S L A V S
K R Z Y C K I,

Castellanus Poseniensis,
Gentilitiam anchoram,

Progeniem (*unquam*) regendam commisit;

Felix tu Stagyrta his Polonis Macedonibus,

Feliciores hi Poloni Macedones te suo Stagyrta.

(Non tam bene Pyrrhi gemmæ inhæsero Musæ,

Vt tuo gemmeo animo Scientiæ,

Philosophia

in Te Divinum Platonem

vel Principem Sophorum Aristotelem invenit.

Ita illius arcana tenerioribus animis adaperire scivisti.

Artisticæ Facultatis

ter Decanus,

quoties & publicè & privatim disputasti,

toties eximiarum laudum decades meruisti.

Angelici Doctoris Subtilisq; Scoti,

Angelicū & Subtilem Spiritū habuisse videbaris,

cū ad mentem eorum, in Sacris Divorum Pænatib⁹ disputasti.

Nunquam ex Arena literaria sine triumpho,

Nunquam sine gloriæ, Corona descendebas,

quia nunquam sine celebri Victoria.

Regina animorum Eloquentia

in Te Atticā dulcior apparet Hyblā,

Alienæ laudes, docto tuo calamo exaratae,

Tuæ hæreditariæ sunt.

Tylicianus Orator,

cū alienæ desudabas gloriæ, ipse laudum encomia merebaris.

Aureæ celsi Vavelli Coronæ,

aureo Tuo dignæ fuerunt Capite,

& Caput Tuum dignum tantis Coronis.

Quid

Quid enim aliud de docto Tuo ore promis? si non aurum,
Quoties in Principe Cracoviensi Basilica,
coram ipsis Principibus sacra verba fundis,
toties Caucasea corda suaviter tundis,

Magnus Encomiastes.

Timete nunc Enceladi Typhæiq;,
rebelles etsi imbelles Orthodoxis Heterodoxi.

MARTINVS hic Feretrius est,
sive à ferendo, sive à feriendo dicendus,
fulmineis Vos rationibus petet.

Controversiarum Foundationis SOWINSCIANÆ

Fundatus Professor est,

Omnem contra Vos uertit uertitq; lapidem.
Doctrina illius solida, Armamentarium est,
contra Gigantomachiam Vestram instructum.
Hic sunt adversus Vestrarum rationum telam,
Achilleis armis præstantiora tela:

Hic sunt adversus minacia Vestrum jacula,
Scuta Ancili Apollineo certiora.

Quot sunt Controversiasticæ Doctrinæ MARTINI Articuli,
tot sunt De'phico Tripode certiora Oracula;

Quot Conclusiones,

tot Hæreticorum Schismaticorumq; Confusiones.

De his victor hic gloriosus
vel sub Theologica nunc triumphabit Laurea.

Tu tandem obsequentis pennæ meta immota es.

Virorum politiorum & Sapientum Corculum,

Perillustis, Clarissime & Admodum Reverende Domine,

M. MATHIA BROCKI,

Sacrae Theologiæ Doctor & Professor,

Claudis doctum Doctorum fortissimus agmen.

Quippe Pallas æque Martis ac Artis Præses,

suas cohortes infractis pectoribus munit.

In postremo loco nil postremum locat.

Ad portas excubias gerunt invicti Annibales,
Non magis in fronte, quàm à tergo exercitûs
opportuni sunt mares animi.

MATHIAS hic ô Pallas,
Virtute, sapientiâ, meritis, morum elegantia præditus,

quid est? nisi ⁴1 ³T ¹A ²M ⁶A S.

In hoc Virò

nihil pusillanime, omne magnanimum est;

Roxolani Leonis partus est.

Non sub omni Cælo Solones, in plurimis locis Stolones oriuntur.

Creta quid aliud? præter Cretenses didicit germinare.

Athenæ nil citiùs ferunt,

quàm Socrates vel Xenophontes.

Cui Leopolis sua cunabula dedit,

hic LEO est POLIS dignus.

Hoc felix solum Solem

Cælo Academico, imò toti Orbi Polono dedit,

Clarissimum olim & Excellentissimum Dominum,

M. STANISLAVM IOSEPHVM

B I E Z A N O W S K I,

Philosophiæ Doctorem, Collegij Minoris

Seniorem Patrem &c.

Titan hic Academicus

etiam Tibi Syderi primæ magnitudinis,

Neo-Doctor Dignissime,

Aureum Sapientiæ infudit jubar.

Felix ille acceptus ab eo radius, cui non esset acceptus?

Hoc famam, Virtutes, merita, Serenissimorum Regum, Antistitum,

Magnorum Heroum, Summorum Virorum irradiasti.

Evolare illi è rogo cinerum suorum,

tanquam Phænices videntur,

quibus tuam eruditam pennam applicuisti.

Aqui-

Aquinas verè pretiosus est,
quem Vnionem Ecclesiæ Dei, docto calamo & ore efformasti.

Ex Homeri fonte,

Vates Antiqui Entheum hausisse Pœticum dicuntur;

Tu ex illo fonte libasse debueras,

quem ut Homerum nil latet.

Fortunatum Navigium,

Classes Novodvorscianæ sortitæ erant;

cùm tu remis illarum adsticisti.

Amphiona non exposcimus,

cùm Te Verbi Divini concentu & Divino conceptu,

Saxcos Memnones animantem videmus.

Dicentem, Te & ducentem ad verum Numen,

Venerantur Virtutes, reverentur vitia,

quia falla sunt Numina;

quorum idola sermone tuo sacro evertis.

Fonti lucis, quis potest lucem addere?

Tu eam addis, à sole Aquinatico obscuritatis nubẽ adimendo.

Omnia ad mentem Orbis scribere, dicereq; videris,

cùm ad mentem Thomæ scribis dicisq;.

Thetyn amat Phæbus,

Thomisticus Titan tui animi fundum, verè profundum.

Non ita Speculum vicina, ut tu remotissima,

nam Divina repræsentabas,

Speculativam legens Theologiam.

Felix Tua Doctrina Moralis,

in qua nec erat mora, nec lis,

ita utrumq; explodebas.

De Sacramentis sacrae tuæ menti agenti,

nil erat Sacramentum, quia nil absconditum.

Adeo abscondita penetrasti.

MATHIAS verè fors DEI

in quem tot Cælorum Deorumq; dona confluxere.

Indefessi Athletæ,
vel potus literarij Orbis Athlantes.
Perillustres Clarissimi & Admodum Reverendi Domini,
Neo-Doctores.

Illud Honoris Theologici capeffitis culmen,
cui **NON PLUS ULTRA** inscribere fas esto.

*Habent Magni tituli, hoc,
cum ad summum dignitatum veniunt fastigium,
habent summum procedendi Ulterius fastidium.*

Athenæ Craciæ
quos honores possident,
ij infra dignitatem Theosophiæ non supra sunt.
Meritis Vestris Apollineâ præstantior
Vobis hodie datur Corona.
Sub hac Theologica Mitra,
Suprema Sedis Vaticanæ Capita,
Eminentissimi Cardinales,
doctissimi Præsules, pientissimi Mystæ,
& florere & florent.
Majora dic Calame.


Hoc in præmium laborum Vestrorum Diadema recipitis,
quo redimiri,
Magni BASILII, AVGVSTINI, HIERONYMI,
AQVINATES, BONAVENTVRÆ,
nunc eodem in felici æternitate & æterna felicitate gaudent.

Doctorales hæ frondes
quæ eruditas Vestras nunc ambiunt frontes,
felicia felicitatis Academicæ sunt omina.

Annosa hæc Regia Solis
Stabit fortunata, quasi in natis Doctoribus iterum nata.
Stabit incolumis, per Vos novis suffulta Columnis.

Quaternio Vester Doctoralis
Civitatis Dei in Quadro positæ typus est;
Rei-

Reipublicæ literariæ
 Beatitudo insignis speranda est.
 Annus ter quaternus post septingentesimum
 numeratur,
 dum Vos inter Doctores Theologos numeramini,
 & exinde Quaternioni Vestro felicitas perfecta,
 quia quadrata promittenda.
 Hilaritas nova Cracio Academo porrigitur,
 Dum Festo Hilarij Vos Doctores
 Theologi creamini.
 Generali Regni Lechici Scholæ,
 invida sors nullum mali genus afferre audebit;
 in Quadro Vestro posita,
 nulli malorum cedit procellæ.
 Quadrangularis Figura undiq; pares lineas habens,
 in Vobis hodie est erecta;
 quid Palladi lagellonicæ?
 nisi ab omni angulo & decus & præsidium pollicetur.
 Feliciores priscis Augustis Iulijq; Coronati,
 sub Luru Theologica,
 nullum adversæ sortis fulmen metuentes,
 triumphate.
 Fastigio literati hujus Vestri honoris,
 Herculeū tenuis pēna inscripsit NON PLUS ULTRA;
 Annis, Vitæ Vestræ felicissimisq; Successibus
 semper Vovet Vovebitq;
PLUS ULTRA.



O D E
MAGNO NOMINI
HONORI DOCTORVM
V O T I V A,
à Musis Novodvorscianis
D E C A N T A T A.

QUæ cura nostræ Palladis inchtæ?
Quis Sensus Almæ Matris, & Ordinum,
Plenis honorum Laureatas,
Muneribus celebrare mentes
Intendat? ut per maxima dignior,
Quandoq; fiat Secla Quaternio,
Qui laude Doctorum Virorum,
Qui titulo potiore Vestras
Excellat omnes ingeniosius,
Dotes Minervæ, quæ super æthera
Summi Tonantis mente nata,
Vos vehit in Capitolium altum
Præcelsi honoris, tum quoq; Nominis.
Apollo noster Vos comitabitur,
Ter trina Musarum cohorsq;
Laureolas referens utrinq;
Princeps præbit flammigero Entheo
PLUS ULTRA major Gadibus Herculis,
Flagrans & ardescens columna,
Nomine sub Basilij præalto.
PLUS ULTRA Summi culmen ad ætheris
Regina Princeps, signa ferentium,
JOANNIS altum Nomen effert,
Alta petens Aquila evolando.

MARTINUS, ex quo Milite Præsul est,
Doct̃or Mitratus Sanctior Hercules,

Lauris & armis, pallioq̃

Tectus, in ardua laudis intrat.

Sors antecedit fascibus *Asciam*

Portando fixam, nomine *Romuli*

Gaudere *MATHIAM* volendo:

Taliter itur ad altum honoris;

Doct̃or, sed *AUGUSTINUS* ad aureas

Honoris aedes, his aperit viam,

Quos ipsa virtus, ipsa *Pallas*

Suscipit in gremium *Sacrorum*

Doct̃orum. Et hinc jam plaudite *Principes*,

Portamq̃ vestram attollite promptius;

Doct̃æ *Camænarum* cohortes

Carminè vota sonora ferte.

Vivant, ut illi sæcula *Nestoris*,

Quos ipsa virtus tollit ad æthera,

Et candido soles coruscos,

Atq̃ dies numerent lapillo.

PROGRAMMA I.

Primi Doct̃oris honori serviens.

BASILIVS PLASZCZEVIVS.

ANAGRAMMA.

Zelas pius, ibis dux, laus.

EPIGRAMMA.

Fama volās Cracij cōspexit in umbra *Academi*,

Fundi *PLASZCZEVII* lumina docta *Viri*,

Cælestiq̃; calentia cingi temporalauru,

Luceq̃; Doct̃orem præradiare *Sacrâ*.

Constitit & stupuit; tum gaudens talia dixit:

Dux primus zelas, ibis in alta pius.

Laus Tua semper erit Doct̃or, Nomēq̃; perēne,

Aurō quod scribam, tumq̃; notabo *Cedrō*.

II.

IOANNES BALICIVS,

Ajo: vincas libens.

Iuppiter omnipotens, altâ de Sede Polorum
 Cernens, IOANNI Laurea ferta dari:
 Gaudeo, Doctorem Herculeos vicisse labores,
 Dixit: & ut *vincas* invida fata diu,
Ajo Libens. videant! Sapientia Sola triūphat!
 Et dignum Cælis inferat illa virum.

III.

MARTINVS OSLINSKI,

Lux, Animos instruis.

Pandunt nunc Heliconæ Dæ, tum flectit Olympum,
 OSLINSKI, in plausum, doctus Apollo Tibi.
Lux es Musarum, Craciæ Princepsq; Palæstræ,
 Tulustrans *animos, instruis* atq; colis.
 Luceat ergo Tibi Phæbus, per sæcula mille,
 Provisor noster, turba novena vovet.

IV.

MATHIAS BROCCIVS;

Huc ramos citabis.

Huc ramos, oleas, laurus, Parnasse virentes,
 Aonidumq; choros, vertice mitte tuo.
 Convenient Charites, invitas Phæbe *citabis,*
 MATHIÆ cingant tempora fronde sacrâ.
 Ingeminent plausus; venerande Quaternio, vivas?
 Doctorum, vastus Vistula adusq; fluet.



Biblioteka Jagiellońska



stdr0028803

